

mus. Est itaque sanguis escarius indicium libertatis christi-  
anæ, nequaquam in luxuriæ pabulum degeneraturus, sin,  
ut cæteri inter Judæos vetiti cibi, cum modo & conducente  
honestatis termino usurpetur. Cur privabimus nos liber-  
tate, quam Liberator indulfit? cur adstringemus consci-  
entiam vinculis, ad quæ solvenda Mediator in carnem da-  
tus factusque sacrificium typum in antitypo sustulit? cur  
intricabimur difficultatibus, quas extricare sollicitè adeo &  
circumspectè in Concilio Solymitano Apostolorum Cho-  
rus intendebat? Interea dum repetendum est & sedulo  
meditandum Apostolicum illud; *ἕκαστος ἐν τῷ ἰδίῳ νοί πλη-*  
*ροφουείσθω*, rectè facere eum judicamus, qui ab esu sangui-  
nis abstinet, dum sibi eo vesci licere non credit, quicquid  
enim ex fide non est, peccatum est. Qvi edit, Domino  
edat, qvi non edit, Domino non edat. Videndum tamen,  
ne turbentur alii imbecilles, rectè se sanguine escario uti  
hactenus persuasi. Nolo in suspitione erroris, ita liceat  
imitari *Hieronymum in Epist. ad Pammach. contra errores Job. Hierosolym.*  
quæquam esse patientem, ne apud eos, qui  
ignorant innocentiam ejus dissimulatio conscientia judi-  
cetur, si taceat. Castigari gula debet, sed cum castigatio-  
ne non eripienda est libertas. Ut magnæ est virtutis &  
sollicitæ diligentæ in mundo non mundane vivere, in car-  
ne non carnaliter agere, ita in concessa ciborum libertate  
Christianæ est opus prudentiæ sanguine uti, nec tamen  
sanguinolenta sapere, aut sanguinis reum evadere. *Cl. Sal-*  
*masii de Fæn. Traxerunt*: super hac controversia judicium  
quantum valere possit, ex dictis in promptu Solida potest  
esse *ἐπίκρισις*. Et cum ipse legem Apostolorum partim e  
lege cæremoniali, partim civili depromptam dicit, Ergo  
causa interdicti e politia Judæorum, non ex obligatione  
morali arcessenda est; & ita Salmasius hactenus nobiscum  
sentit; quæ tamen ille hic alia opinatur, non admodum  
præjudicant explicatæ veritati. Tantum! Pro libertate  
conscientiæ Christianorum.

S. D. G.

Coll. Diss. A 175, misc 3